



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. Joannis Nadasi, è Societate Jesu, Annus Caelestis,  
Jesu Regi, & Mariae Reginae, Sanctorum Omnium Sacer**

Anni Caelestis Dies, & Festa Mobilia

**Nádasi, János**

**Coloniae Ubiorum, 1667**

9 Aprilis. 5 Idus April.

[urn:nbn:de:hbz:466:1-53527](https://nbn-resolving.org/urn:nbn:de:hbz:466:1-53527)

*vigilans? Vigilo, respondisti, & ab illo, futuras calamitates prædicente, hæc demum verba, tertio repetita, audisti: Finis venit uniuersæ carnis; & simul hastas, ac discurrentes in cælo igneas acies, aspexisti.*

B. Guilielme, qui, post mortem, in veste pretiosissimâ, & aureâ coronâ, lapidibus nobili, visus, dixisti; lapides illos, & gloriam tibi datam, ob aduersa, quæ innocens, à linguis obloquentium, es perpeffus, & Deo quotidie in patientiâ obtulisti; coronam verò, pro eâ victoriâ sæpiùs repetitâ, quâ, in observandis religiosæ disciplinæ legibus, te vicisti. Fac, ut èt ego vitam ad cælestem amissim.

OMNES SANCTI, &c.

pag. 320.

S. MARIA, qua hodie puerum in furno ardente, illi adspectabilis facta, seruasti: serua me nunc ab iis, qua me male possunt incendere; ac deinde ab igne aeterno!

9 Aprilis. 5 Idus April.

S. Aneta Maria Ægyptiaca, quæ, divinâ vi, ter, à templi ingressu, ob tuas turpitudines, repulsa, tandem per pœnitentiam, & MARIAM ad-

admissa, ab eâdem Jordanem transi-  
 ire pro quiete iussa, ibi plus quam  
 quadraginta annis recogitasti, &  
 deflevisti impuros annos tuos, in  
 salutari amaritudine animæ tuæ;  
 ibi à S. Zosimo, sanctissimo Christi  
 corpore pasta, postea, leone sepul-  
 chrum tibi fodiente, mortua re-  
 perta es. O magna, MARIÆ Virginis  
 ope, de tentantibus te pœnitentem  
 hostibus triumphatrix! Impetra  
 mihi à JESU, per MARIAM, ut nunc  
 seridè illa omnia amarè defleam,  
 quæcunque amariorum reddere  
 mihi possent amarum aliàs etiam  
 agonem mortis meæ; & non repel-  
 lar, sed inducar in templum æter-  
 num. Amen.

S. Prochore Ep. M. S. Stephani  
 Diaconi nepos, & S. Joannis Ev-  
 angelistæ dilecte comes in Asiâ.

S. Waldetrudis, S. Vincentii Com-  
 mitis conjunx, & plurimum sancto-  
 rum filiorum, ac filiarum, mater  
 cui, post virum, religiosæ vitæ jam  
 addictum, in sæculo hærenti, ac  
 deliberabundæ, S. Gaugerici Ep.  
 apparuit; & calicem, vino plenum,  
 tibi offerens, dixit: *Age quod agis*  
 & abiit. Fac me divinis instinctibus  
 obedire.

Sancti Demetri, Concesse, Hi-

lari, & socii MM.

Sanctæ septem Virgines Martyres.

S. Euphychi Martyr.

S. Gaucherii, columbæ ductu, in solitudinem quietam deducte.

Sancti Martyres Massylitani. <sup>v</sup>

S. Acati Ep. captivorum redemptor.

S. Hugo, & Marcelle, Episcopi.

S. Maria Cleophæ, S. MARIAE, Dei Matris, soror.

S. Monica, S. Augustini mater.

OMNES SANCTI, &c.

pag. 320.

S. MARIA, cui Ave MARIA saepe dicentis Guilielmi tui, hodie mortui, sepulchrum lilio, aureis literis Ave MARIA inscriptum habente, honcravit Deus. Ora, ut oratio mea omnis, & actio, sint casti flores, sint aurea ornamenta, quibus unicè delectaris!

S. MARIA, cujus nomine ac jussu, hoc die, S. Francisca dixit S. Paulus; mentem benè ordinatam, semper esse firmam; nec tadio, vel damno affici, nisi cum suo arbitrato rem agit: te curam suscipere illarum animarum, qua suos sensus in puritate custodiunt. Pone, Domina, custodiam ori meo, auribus, oculis, ac omnibus internis & externis sensibus meis: & fac, ut agam omnia,

*omnia, non meo, sed tuo arbitratu, sine  
radio, cum amore!*

10 Aprilis. 4 Idus April.

**S**Ancte Macari, ad Christi sepulchrum peregrine, qui ad ossa uel que laceratus, tribusque clavis pavimento affixus, ignito super peccatus saxo imposito, ab Angelis ad-  
jutus es, & deinceps mira per orbem late patrans, in Flandriam tandem victimam tui grassanti dedisti, ac prodigiis cælestibus, post mortem etiam, clarus, non nisi indicatam MARIÆ cryptam condidisti. Eja age, ut ita me Angeli, ita tu, ita MARIA, ita Deus hic peregrinum juvent, ut ab animi peste omni sim semper immunis; & sanus, ac æger, Dei semper sim victima, simque etiam moriens vivum holocaustum Deo. Amen.

Domine Jesu, cujus *Coronæ spirituale* festum hodie in Hispaniam celebratur, miserere mei illo modo, qui tibi maxime gloriosus, & mihi maxime necessarius est.

S. Notgere Episc. qui, famis tempore, annonam à cælo impetrasti.

S. Ezechiel Propheta Martyr.  
Omnes